

Cr. quarta. *Lachenal in act. helv. 9. p. 281. n. 9.?*

In Caucasi orientalis incultis provenit, Floret Junio, Julio. ☉

*Facies* Cr. viridis, itidemque ramosa et patula. *Differt foliis* scabris margine carinaeque ciliato-hispidis: dentibus haud elongatis, *calycinis* squamis carina subspinulosis. *Flores* parvi, sicut in Cr. viridi. *Pappus* pilosus sessilis.

#### 1624. CREPIS hispida.

Cr. fetoso-hispida, foliis runcinatis basi auriculatis: superioribus lanceolatis sagittato-hastatis basi pinnatifidis, calycibus hispidissimis. *Lin. ed. Willd. 3. p. 1601. Waldst. et Kit. rar. hung. 1. t. 13.*

Crescit in incultis et agrestibus ad fluvium Terek, inter Kisliar et Mosdok. Floret Majo, Junio. ☉

*Plantae*, sicut affines complurimae, foliis magis minusque dissectis ludens, insigni caulis, foliorum, imprimis vero pedunculorum et calycum hispitudine dignoscenda. *Flores* magnitudinis inter Cr. biennem et tectorum mediae. *Pappus* pilosus sessilis.

#### 1625. CREPIS rhoeadifolia.

Cr. foliis runcinato-pinnatifidis amplexicaulibus: lobis inaequalibus oblongis angulate-dentatis, extimo cuneiformi trilobo acuto, caule ramoso, pedunculis calycibusque hispidis.

Habitat in Iberia. *D. Steuen.*

*Caulis* profunde sulcatus: ramis floriferis alternis foliosis. *Folia* magna lata dissecta et lobata fere Papatueris Rhoeados piloso-pubescentia. *Pedunculi* et calyces valde hispidi. *Flores* magnitudine Cr. foetidae. *Squamae* subulatae laxae ad basin calycis. *Corollulae* luteae. *Pappus* pilosus sessilis.

#### 1626. CREPIS pulchra.

Cr. foliis caulinis cordato-sagittatis acuminatis dentatis, panicula composita subcorymbosa nuda, calycibus subcylindricis glabris: squamis baseos brevissimis.